

AUSAID TIMOR LESTE – APOIU NE'EBÉ PROPOIN BA DEZENVOLVIMENTU SEITOR SAUDE

Nota ida ne'e ninia intensaun

Governu Timor-Leste iha planu ambisiozu hodi hadi'a kondisaun saude. AusAID hala'o ona diskusaun ho Ministeriu Saude ho nia parseiru sira kona-ba oinsa Australia nia apoiu bele utiliza ho didiak hodi bele tulun sira atu implementa planu hirak ne'e. Nota ida ne'e kaptura diskusaun hirak ne'ebé hala'o ona to'o ohin loron.

AusAID iha komitementu atu hadi'a ninia maneira serbisu iha parseria ho Ministeriu Saude. Ninia maneira serbisu no ami nia apoiu sei bazeia ba prinsipiu prinsipal haat hanesan tuir mai ne'e:

1. fo prioridade ba ema sira ne'ebé **presiza tebes** kuidadu saude primaria – feto no labarik sira ne'ebé vulneravel iha area rural no remota
2. involve parseria konjunta ne'ebé transparenti bazeia ba fiar malu no refleta prinsipiu Akordu Foun (*New Deal*), no apoia **dominiu nasaun nian** no kapasidade liu husi: aliñamentu ho **planu nasional** no prioridade hirak, serbisu liu husi no tulun atu haforsa **sistema nasional** ba planeamentu, halo orsamentu, finansiamentu, fornesimentu no halo relatoriu; **armonizasaun** ho parseiru hirak seluk, no **responsabilidade hamutuk** ba mudansa hahalok no rezultadu.
3. bazeia ba kumpriensaun ida katak **setor saude** tomak kompostu sistema ne'ebé kompleksu no dinamiku ho ninia komponenti oi-oin – interasaun entre parte ezizensia no mos parte fornesimentu.
4. konsentra ba prosesu ho aprosimasaun rua (1) **aselera asesu ba kuidadu saude bazika**. Apoiu ba GoTL ninia planu atu estabelese Postu Saude iha kada suku molok tinan 2017 ho doutor mediku ida, emfermeiru rua, parteira rua no tekniku laboratoriu ida; no (2) **apoiu sustentavel ba sustainable support for institutional development**.

Dokumentu prinsipal ne'ebé deskreve dezafiu no planu hirak

Governu nia ambisaun atu hadi'a rezultadu no asistensia saude estabelese ona iha Planu Estratejiku ba Dezenvolvimentu, Programa Kintu Governu Konstitusional, Livru Orsamentu no Planu Estratejiku Nasional ba Setor Saude (NHSSP). Objetivu politika ba NHSSP agrupa ba iha seksaun lima. Seksaun hirak ne'e refleta iha Program Kintu Governu Konstitusional no Orsamentu 2013. Objetivu lima ne'e mak:

1. **Maneija sistema saude nasional**, inklui: lideransa, organizaun no jestaun ba provizaun asistensia saude hodi garante efetividade no impaktu;
2. **Fornesimentu asistensia saude**, inklui: diresaun stratejiku ba kada nivel kuidadu saude; pakote bziku ba asistensia saude; no programa prioridade nasional ba saude (inklui promosaun saude);
3. **Rekursu umanu ba saude (HRH)**, inklui: dezenvolvimentu no jestaun RUS, ho konsentrasaun ba frakeza prioridade, hanesan parteira hodi bele hasa'e atendimentu partu ho parteira ne'ebé kompetenti;
4. **Infraestrutura saude**, inklui: infraestrutura fizika; ekipamentu mediku no fornesimentu non mediku esensial; transporte no asistensia ambulansia; komunikaun no teknolojia informasaun (ICT);
5. **Asistensia Apoia**, inklui: aimoruk no konsumaves; laboratoriu no asistensia banku de sange; peskiza saude; HMIS; planeamentu no sistema jestaun finanseira; no parseria no kolaborasaun iha setor saude.

Saida mak AusAID propoin atu apoia iha setor saude?

Ida ne'e hanesan programa apoiu ba tempu naruk ho period tinan 8. Ami sei hahu u ho konsentrasaun ba problema prioridade ne'ebé Ministeriu fo sai no konfirma liu husi analize AusAID nian. Tempu ne'ebé ami sujere mak:

Faze 1 - Setembru 2013: Transporte ba setor saude: Hahuu ho manutensaun ba kareta no ambulansia hirak iha setor saude, inklui avalliasaun boot ba problema no apoiu solusaun ba tempu naruk. Ida ne'e bele involve ekipa mekaniku movel ne'ebé bele ba vizita distritu hirak no avallia problema, hadi'a katera ho problema ki'ik no identifika solusaun ba problema hirak ne'ebé seriu liu. Kareta hirak ne'e sei inklui Ministeriu Saude nia ambulansia, kareta multifunsaun, kareta operasional no motorizada.

Faze 2 – Inisiu tinan 2014: Ekipamentu saude nian: Hahuu apoia hodi halo manutensaun no hadi'a ekipamentu kritiku ba saude inan no oan nian iha ospital nasional, ospital referral no CHC. Hala'o aprosimasaun hanorin no akompañamentu hodi avallia problema, no identifika solusaun ba tempu naruk ho ekipa Ministeriu Saude nian.

Faze 3 – Mediu tinan 2014: Rekursu Umanu ba Saude: rekruta no selu parteira no emfermeiru sira husi Indonesia atu mai serbisu iha PS no CHC hanesan sasukat interinu (hodi hein aumentu forneseimentu kadetes sira ne'e husi instituisaun formasaun Governu Timor nian); esplora opsaun ba dezvoltimentu solusaun ne'ebé sustentavel ba preokupasaun rekursu umanu.

Apoi u future sei identifika liu husi prosesu planeamentu regular no diskusaun ho Ministeriu Saude. Diskusaun hirak ne'ebé hala'o to'o oras ne'e sujere inklusaun:

- Infraestrutura ba setor saude: kontrata kompañia ida hodi bele **reabilita postu saude**, konstrui akomodasaun bazika ba pesoal saude sira; Apoi ekipamentu IKT (*nota bene* asosiadu ho formasaun hafoin serbisu tiha/*in-service* ne'ebé bele fornese bazeia ba objetivu rekursu umanu nian) liu-liu iha Postu Saude, CHC no Distritu; Apoi hodi dezvoltolve, integra, implementa no monitoriza **planu sistematiku id aba jestaun transporte** (kareta, mina no kondutor sira); Apoi hodi dezvoltolve/implementa **planu manutensaun ba facilidade saude**
- Prestasaun asistensia saude: apoiu OLG hirak atu serbisu ho pesoal saude lokal no PSF sira atu tulu sira hodi hadi'a **intervensaun promosaun saude no BCC**, inklui mobilizasaun grupu komidade no lider lokal sira hodi hasa'e asaun ba saude maternu no labarik; Apoi ba parseria (ezemplu ho organizasaun sosiedade sivil) hodi bele ezamina, reafina no implementa aprosimasaun hirak ne'ebé lokalmente apropiadu hodi emansipa no **mobiliza komidade**, liu-liu ba RMNCH no nutrisaun
- Asistensia apoiu: Explora ho Kruz Vermella se sira bele fornese asistensia **banku de sange**, no, se bele, kontrata no fo apoiu finanseira ba asistensia ne'e wainhira serbisu ho MdS atu haforsa sira nia kapasidade hodi bele kontrata asistensia ida ne'e direitamente; **Aimoruk no konsumaves:** apoiu hodi reforma jestaun SAMES ka ninia susesor; Laboratoriu no asistensia banku de sange: apoiu MdS atu bele kontrata asistensia banku de sange husi Kruz Vermella; HMIS: Apoiu ba **Jestaun dadus baze HMIS nian**, no utiliza informasaun HMIS nian hodi halo desizaun
- HRekursu umanu ba saude: Apoiu atu implementa komponentu prinsipal husi planu komprensivu ba **deztolvimentu rekursu umanu** (prepara iha NHSSP-SP) hanesan haforsa **kapasidade UNTL nian** atu treina kadetes prinsipal; Apoi dezvoltimentu sistema id aba jestaun rekursu umanu hodi implementa mekanizmu foun tuir nesiedade (liu-liu ba kadete sira ne'ebé fornese kuidadu RMNCH); involve OLG sira hodi apoiu **haforsa supervizaun MdS** nian ba fornecedor kuidadu saude reprodutiva, maternu, neonatal no labarik nian.

Oinsa mak AusAID sei apoiu Ministeriu?

Ami propoin atu uza modalidade prinsipal tolu hodi apoiu Ministeriu da Saude:

1. Facilidade Aproxionamentu no Lojistika ne'ebé konsentra ba transporte no infraestrutura setor saude nian (hahuu fulan Setembru 2013)
2. Kontrator Saude ne'ebé bele fornese apoiu espesifiku saude nian no sub kontrata parseiru seluk hanesan OLG, *Health Alliance International* (hahu mediu tinan 2014 hafoin prosesu aproxionamentu AusAID nian)
3. Parseria posivel ho OMS no Banku Mundial kona-ba analize no apoiu tekniku (parseria ezistenti ho Banku Mundial, iha possibilidade ba parseria iha futuro ho OMS ne'ebé bele hahuu iha tinan 2014)

Saida deit mak sei sai pasu tuir mai?

1. Ami sei hahuu ho **apoiu ba transporte saude nian iha fulan Setembru 2013** ho ekipa ida husi Diresaun Nasional ba Administrasaun no Rekursu Umanu no Diresaun Nasional ba Apoiu no Serbisu Ospitalar.
2. Ministru aprova aprosimasaun ne'e no fornese **karta apoiu molok fulan Novembru 2013**. AusAID bele halo apresentasaun ba Konsellu Diresaun ka hala'o kolokiu rum aka sorumutuk ruma hodi bele esplika programa foun.
3. AusAID sei organiza tenderizasaun ba **kontrator saude**. Ministeriu da Saude partisipa hamutuk ho AusAID iha Paniel Asesor Tekniku ne'ebé reskruta kontrator.
4. Programa apoiu kompletu ba kontrator saude sei hahuu iha fulan **Agostu 2014**.

5. **Reve progresu no identifika prioridade programa** iha prosesu planeamentu MdS nian iha fulan Maiu no Juñu 2014, wainhira MdS tau hamutuk ninia prioridade ba submisaun orsamentu ka ba MF.